

COMUNU DE USEDDUS

Provìntzia de Aristanis

DELÌBERA DE SA GIUNTA COMUNALI

Numeru 29 de su 04/05/2007

OGETU : Cuncessioni doas in localidadi "Cerobeddai", Useddus, po ddui traballai e ddui pasci.

S'annu duamìaseti sa dì cuatru de su mesi de Maju, a s'ora de sa una de mangianu, in custa domu comunali, cunvocada informalmenti, s'est atobiada a pari sa Giunta Comunali cun sa presentzia de is Sannoris :

ATZEI ADRIANO	SÌNDIGU	P
ATZORI FELICE	VICESÌNDIGU	P
SERRA MONICA	ASSESSORI	P
ERBI' CESARE	ASSESSORI	P
ADDARI GIOVANNI	ASSESSORI	P

Nde risultant presentis n°5 e ausentis n°0

Pigat sa presidèntzia s'Abog. ATZEI ADRIANO in calidadi de SÌNDIGU.

Partitzipat cun funtzionis consultivas, refèrentis, de assistentzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, decrarat aberta sa chistioni de s'argòmentu in ogetu, regulàrmenti iscritu in s'ordini de sa dì, e invitat is benius a pari a deliberai a suba s'argòmentu ingitau in s'ogetu, ponendi in antis ca, a suba sa proposta de custa decraratzioni, anti nau ca giai:

su Responsàbili de su serbìtziu interèssau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

SA GIUNTA COMUNALI

DONAU ATU ca s'Amministratzioni Comunali tenit bidea de cuntzedi a pasci e po atividadi agronomica una parti de is doas chi ddui funt in Useddus loc."Cerobeddai", po una isterrìa giai de 10 mois.

CUNSIDERAU CA:

- su pretziu mesau de immoi po s'afitu de unu terrenu chi potat is proprias carateristicas arribat a €62,00 a s'annu po duus moi e cuarra, e est po cussu ca po sa isterrìa in ogetu s'at a teni comentì canoni stimau €248,00 a s'annu, ca in custu casu benit rotundau a €250,00 dae poni a basi de gara po s'afidamentu a operadoris zootècnicus residentis in su Comunu de Useddus.

BIU su parri de cumpetentzia cun priscritzioni donau dae su Corpu Forestali e de Vigilantzia Ambientali Serbìtziu Ispetorau Ripartimentali de Aristanis, prot. N°27783 de su 23.04.07, chi si alligat a custa po ndi fai parti intera e sostanziali, po sa cuncessioni a pasci e a fai is doas e de is terrenus comunalis naus a suba;

BIU su nuddaostat de sa Sotziedadi Cooperativa "Altipiano" Useddus, chi a tempus suu iat addoau in is terrenus comunalis assignaus a cussa;

DONAU ATU CA:

- is doas remonadas a suba funt a tretus oru oru is bias comunalis catastalis, chi depint essi lassadas a fora de cali si siat traballu, in manera de garantiri su ddui podi caminai dae parti de chi po casu ndi bilit gosai, meris de terrenus privaus opuru a usu contra a su fogu;
- is doas depint essi torradas a poni a postu e appoderadas limpias dae is istulas po opera e a ispesa de su chi ddas usada, in manera de garantiri sa tutela chi cuntessat canunu fogu, in prus de totu in s'istadiali.

TOTU CUSTU POSTU A IN ANTIS

CRETIU mellus cosa, in custa sedi, fissai su canoni dae pagai a su Comunu;

CRETIU depi subordinai sa cuncessioni a su torrai in trassa is doas nadas a suba, a sa limpiadura de cussas etotu, spetzias in su tempus de is istadiali a prus a riscu de fogu, a propria opera e ispesas;

BIDA sa istrutoria giai fata dae su responsàbili UTC e tentu su nai ca giai po cantu reguardat sa parti tècnica e dae innui ndi bessit ca su currispetivu a s'annu podit essi fissau in €250,00;

TOTUS IN PARI

DELÌBERAT

DE ordinai sa cuncessioni a pasci e a traballai a operadoris zootènicus de su tèrritoriu de is doas de proprietadi comunali postas in localidadi “Cerobeddai” po una isterra de giai 10 mois;

DE fissai su canoni dae pagai a su Comunu in €250,00 a s’annu comenti scerau in su chi est stau nau acoa;

DE istabiliri ca sa cuncessioni depit essi donada a is conditzionis e priscritzionis chi ddui funt in su alligau chi at nau su Corpu Forestali e de Vigilàntzia Ambientali torrau a nomanai acoa;

DE subordinai sa cuncessioni a su torrai in trassa de is doas comenti discritas a suba, a sa limpiadura de cussas etotu, ispetzias in su tempus de is istadiali a prus a riscu de fogu e a sa tutela de is bias chi giai ddui funt (chi non depint essi traballadas), a opera propria e a ispesa de su chi ddas usat;

DE incarrigai a su Responsàbili de su serbìtziu tènicu s’adotzioni de is autus chi ant a beni avatu.

BIU S’ACOITU, cun votatzioni fata a parti, totus in pari, benit decrarada sa presenti luegu eseguibili segundu s’art.134, c 4 de su D.Lgs 18/08/2000 n°267.

Custu Verbali benit firmau comenti sighit:

Su Sìndigu at firmau
(*Abog .ATZEI ADRIANO*)

Sa Segretària at firmau
(*SCALA Dott.ssa MARIA BONARIA*)

Su sutascritu, bius is atus d'ufitziu
Reg. n°213

ATESTAT

Ca custa delibera est stetia apicada a s'Albu Pretoriu Comunali sa dì 11/05 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 11/05/2007

Sa Segretària Comunali at firmau
(*SCALA Dott.ssa MARIA BONARIA*)

Su sutascritu, bius is atus d'Ufitziu

ATESTAT

Custa delibera est diventada esecutiva su..... segundu s'art.....
De su T.U. 267/2000

De sa Residèntzia Comunali, innia

Sa Segretària Comunali
(*SCALA Dott.ssa MARIA BONARIA*)

De potai a:

- s'Ufitziu Tènicu
- s'Ufitziu Amministrativu
- s'Ufitziu Cuntabili
- s'Ufitziu Vigilàntzia
- s'Ufitziu Serbìtziu Sotziali
-
-
- R.A.S.

De sa Residèntzia Comunali, innia

Sa Segretària Comunali at firmau
(*SCALA Dott.ssa MARIA BONARIA*)